

века Адама созда господь по своему образу и по подобию и жену ему сотвори, якоже достоин быти ей. Како же сотворение божие мы сами превращаем, сим прение вдающе богу. Бог бо есть всякому творению хитрец, премудростию бо вся небесныя безсмертныя силы и небо, и землю, и вся стихия сотвори, яко бо зря на небеси солнце и луну, и звезды токмо дивитися, || какоже человека не добре ли сотвори, да сами зраки своя мним а. 195 об. добрейши божия творения утворяти? Бог бо всякому человеку предел положи летом совершение возрасту и разуму: егда убо еще человеку несовершенну меры возраста и разума, тогда бог учреди и лицу его быти нагу, егда же сподобится лет совершенна возраста, положи убо бог в ту годину одетися устом его и лицу его власы, показуя его инем человеком яко да видят и свершена и не к тому уже яко юношу младаго разума вменяют и, но в меру исполнена саном возраста. Нецыи же от нас, груб смысл имуще, и божия премудрости исполнение мняще яко гленну вещь преобидети, режут и терзают потребляюще власы одеяния личного, иже суть на устех и на браде, мняще младостию красится некоего ради сквернаваго дела. Не младость бо есть красота, но се кра||сота, ею же бог человека украсил есть, в ня же лета достоин ему тако быти. Како же смеем сие изрезати, еже не от наших рук сотворено есть? Аще же рчеши нелепо есть се и непемудрено, прими же ты младенца пятилетна и сотвори ему гаковый сан. Аще же сего не можеш, какоже смееши во уреченная ти лета богом исполньшее преобидети и сам противитися богу? Аще бы кто и от друг твоих насади виноград и нань взирая веселяся, ты же истреаеши и, он же и паки хотя зрети нань, и ничтоже ту обретая, како же ги мстити имат о своем сотворении, колми же паче бог? Что бо веде, безумне, како дерзаеши, сего бо не веси ли, яко ни злато, ни сребро, ни многоценное камение, ни бисер потреби, но богоданную красоту честнейши злата и сребра, и камения драгаго и бисера, понеже бо бог сотвори всего нестнейши на земли человеческу плоть, созда бо ея своима рукама, || злато же сребро и камение многоценное повеле земли и воде ражати. Ка- а. 196 об. коже сия власы не честнейши ли всего сего суть, яко ражаются от богосозданныя человеческия плоти, и во время повеленное богом? Инии же от неразумных человек гордостию возносящесе, дабы мнелся от человек велик возрастом и подкладает на плеща своя толстоту и в сапозии под пяты своя утинки от древ, не благодаря о сем, яко повеле ему бог быти мала возраста, и божию строению противяся, сам хотя предлати си возраст, и сотворяется тако, якоже негоден есть богу. Аще бо бы бог восхотел кого велика и широка сотворити, сотворил бы якоже и сказати невозможно, но го же бог не сотвори, егда Адама созда и Еву сотвори, се творят. Тако же и жены, божию творению противящесе, и в гордости не ведяти себе како о себе мнят, творящесе яко бог их не добре сотвори, но сами паче добрейшии || божия творения претворятся, и лица своя красят и бел- а. 197 ят вапы, и брови выпрьь возводяще, и терзающе, и мастию клепяще, си- речь клеем, и главныя власы улишающе, а не тако правяще якоже все- ленныя учитель Павел рече, «еже жена власы имети на главе должна есть игел ради, растение бо власов вместо одеяния дася ей».^a Сии же своя власы отмещут и вчинения неудобна толстины на главы своя подо обруссы палагающе, еже глаголюще главу равняти. Аще ли же краве черноты ирак имущи, сии чернотию зраки подчрежающе. Се бо есть все богу упротивление, еже бо убо богу о них кроме хотения бысть, тацы сами претворитися хотяще, божия же творения отмещущесе, сами образу своему творцы творящесе, премудряюще содетеля творение. Иже бо сотвори

^a 1 Кор., XI, 15.